

թեամբ՝ 'ի սէր Աստուծոյ բարձէք զսպասկերս և զկանթեղս ձեր որ 'ի կողմն Հայոց, եւ նոքա բարձին զնոսա տրամութեամբ, և Հայք եղին 'ի տեղիս նոցա սկսեալ 'ի դրանէ եկեղեցւոյն մինչեւ 'ի դուռն Այրին, և յերկոսին սեղանն, և կախեցին զկանթեղս՝ ըստ թուոյն՝ զորս բարձին Յոյնք. իբրեւ իջին յԱյրն կախել զկանթեղսն 'ի մէջ կանթեղաց երկուց ազգաց 'ի մի շար յարեւելից յարեւմուտս. չգտին անդ բեւեռ, եւ զնորն հարկանելոյ արգելին Լատինք, և յորոնեւն գտին յաջմէ եւ յահեկէ շար կանթեղացն, բայց Լատինք դարձեալ արգելին 'ի հարաւային կողմանէ, զի առաջի Մարոյ տեղւոյն էր, եւ զինի բազմադիմի բանից կախեցին զվեց կանթեղսն, եղին եւ աշտանակ մի 'ի կարգս աշտանակաց Լատինաց և Յունաց, և 2 պատկերս յաջմէ և յահեկէ խորանին, այլ 'ի բարձրացուցանել Յունաց զճայնս իւրեանց, Դատաւորն արգել զՀայս, զի խնդրէին կախել նաեւ զվարագոյրս, ապա կախեցին զմի կանթեղ ըստ Յունաց առաջի դրան Այրին, խնդրեցին և բաժանորդ լինիլ վարագուրին որ 'ի վերայ դրան, այլ Դատաւորն արգել: Յետ այնորիկ եկեալ կացին առաջի սլաշտօնէից լուութեամբ. Դատաւորն ասէ՝ գնացէք կենցաղաւարեցէք իբրեւ եղբայր եւ օրհնեցէք զԱրքայ: Օրհնեցին Հայք զԱրքայն, զորդիս նորին, և զաշխատաւորս, ապա ասէ՝ դնացէք ընդէ՞ր կայք. Հայք ասեն՝ ո՞ւր երթիցուք՝ Թագաւորն բաժանորդութեամբ ետ մեզ զԱյրն, և դուք թերի թողիք ամենայն իրօք, բայց յուսամբ շնորհիւ Արքայի և ձեր կատարեսցին, այլ ո՞րպէս պարտ է առնել զգործ պատարագին. յերից մասանց եկեղեցւոյն մի մասն տուաւ ձեզ 'ի սեփականութիւն դիտութեամբ այլազգեաց և վկայութեամբ երկուց ազգաց, խորանօք, պատկերօք և ամենայն սպասուք, և այսուհետեւ չունի ոք լինիլ միջամուխ յայն տեղի, յամենայն ժամ կատարեցէք զսղօթս և զպատարագս ձեր. Հայք խնդրէին հրամայել զպատարագն Այրին եւ յայտնապէս պատուիրել Յունաց զի մի լինիցին խոչ:

Դատաւորն ասէ՝ այս երիցս եղև զի կրկնէք, Այրն բաժանորդ է 'ի մէջ երկոցունցդ ըստ օրինաց ձերոց ծիսից մի լինիք արգելք միմեանց. Յոյնք ասացեն բերանովք